



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Quare ita homo sit institutus, vt vnita sit anima corpori. K. L

urn:nbn:de:hbz:466:1-38829

factum est propter ipsum, & propter quod ipse factus est Omnia n. (vt ait Apost.) nostra sunt, scilicet superiora & equalia & inferiora. Superiora quod de nostra sunt ad perfruendum, vt Deus Trinitas. Equalia, ad continuendum, scilicet. angeli. Quia etiam nobis modo superiores sunt, in futuro erunt equalia: qui & modo nostri sunt, quia ad vsum nobis sunt, sicut res dominorum dicuntur esse famulorum, non dominio, sed quia ad vsum eorum, ipsi quoque angeli in quibusdam scriptura locis nobis seruire dicuntur, dum propter nos in ministerium mittuntur.

*Quomodo
omnia no-
stra sunt.*

Ad Heb. 1. d

Quomodo dicitur aliquando in scriptura homo factus est propter reparationem angelici casus. I

DE homine quoque in scriptura interdum reperitur, quod factus sit propter reparationem angelicæ ruine, quod non est intelligendum, quia si non fuisset homo factus si non peccasset angelus: sed quia inter alias causas, scilicet. principales, hæc etiam non nulla causa exitit. Nostra ergo sunt superiora & equalia Nostra etiam sunt inferiora: quia ad seruiendum nobis facta.

Quare ita sit homo institutus vt anima sit vnita corpori. K

Solet etiam queri cum maioris dignitatis videtur esse anima si absque corpore permansisset: cur vnita sit corpori? Ad quod primo dici potest: quia Deo voluit, & voluntatis eius, causa querenda non est. Secundo autem potest dici, quod ideo Deus voluit eam corpori vniri, vt in humana ostenderet conditione nouum exemplum B. vnionis, quæ est inter Deum & spiritum in qua diligitur ex toto corde, & videtur facie ad faciem. Putaret n. creatura se non posse vniri creatori suo tanta propinquitate, vt eum tota mente diligeret & cognosceret, nisi videret spiritum qui est excellentissima creatura tam infimæ, i. carni quæ de terra est, in tanta dilectione vniri, vt non valeat arctari ad hoc vt velit eam relinquere: sicut ostendit Apo-

*Prima causa.
Secunda
causa.*

*Matth. 12. d
1. ad Cor. 13.*

1. ad Cor. 3. a dit Apostolus dicens: Nolumus corpore expoliari, sed superuestiri, per q̄ ostenditur spiritum creatum spiritui increato ineffabili amore vniri. Pro exemplo ergo future societatis, quæ inter Deum & spiritum rationalem in glorificatione eiusdem perficienda erat, animam corporeis indumentis & terrenis m̄tionibus copulauit: luteaq; materiã fecit ad vitæ sensum vegetare: vt sciret homo, q̄ si potuit De⁹ tā disparē naturã corporis, & animæ in federationē vnã, & in amicitiam tantam cōiungere, nequaquã ei impossibile futurum rationalis creaturæ humilitatē, licet longē inferiorem, ad suæ gloriæ participationem sublimare. Quia ergo p̄ exemplo rationalis spiritus in parte vsq; ad consortium terreni corporis humiliat⁹ est: ne fortē in hoc nimis depressus videretur, addidit Dei providētia, vt postmodum cum eod. corpore glorificato ad consortium illorum, qui in sua p̄manferunt puritate, sublimaretur, vt q̄ minus ex dispensatione creatoris sui acceperat cōditus, postmodum per gratiam eiusdē acciperet glorificat⁹. Si ergo conditor noster Deus rationales spiritus varia fortē p̄ arbitrio volūtatis suæ disponēs, illis quos in sua puritate reliquerat, sursū in cælo m̄tionē, illis vero quos corporibus terrenis sociauerat, deorsum in terra habitationē constituit: vtriusque regulã imponens obedientiæ, quatenus & illi ab eo vbi erant, non caderēt, & isti ab eo vbi erāt, ad id vbi non erant ascenderent. Fecit itaq; De⁹ hominem ex duplici substantia, corpus de terra componens, animam vero de nihilo faciens. Ideo etiam vnitz sunt animæ corporibus, vt in eis Deo famulantes maiorem mereantur coronam.

Post sacramentum Trinitatis de creatura tripartita agendum est, & prius de digniori, id est, angelica.

Ex præmissis apparet rationalem creaturam in
ange-

angelicam, & humanam fuisse distinctam: quarum altera est tota spiritualis, id est, angelica: altera ex parte spiritualis, & ex parte corporalis, i. humana. Cum itaque de his tractandum sit, scilicet de spirituali & corporali creatura, de rationali, & de non rationali: primo de rationali & spirituali, id est, de angelis agendum videtur: ut à cōtuitu creatoris ad cognitionem creaturæ dignioris ratio nostra incedat: deinde ad considerationem corporeæ, tam illi⁹ quæ est rationalis, quàm illius quæ non est rationalis descendat, ut Trinitatis increatæ sacramentum tripartitæ creaturæ, eique concretorum atque contingentium sequatur documentum.

QUÆ CONSIDERANDA SVNT

de angelica natura.

DISTINCT. II.

A

DE angelica itaque natura hæc primo consideranda sunt, quando creata fuerit, & ubi, & qualis facta sit dum primum conderetur. Deinde qualis effecta auersione quorundam, & cōuersione quorundam. De excellentia quoque, & ordinibus, & donorum differentia, & de officiis, ac nominibus, aliisque pluribus aliqua dicenda sunt.

Agit in specialibus de conditione spiritualis creaturæ, scilicet angelicæ qualis facta sit.

Quando facti sunt angeli prius dicit, in quo videntur sibi obuiare auctoritates.

B

Quædam auctoritates videtur innuere quod ante omnem creaturam creati sunt angeli: Vnde illud. Primo omnium creata est sapientia: quæ intelligitur de angelica natura quæ in scriptura sæpè vita, sapientia & lux dicitur. Nam sapientia illa quæ Deus est, creata non est: Filius n. sapientia patris est genita, non facta nec creata, & tota Trinitas vna sapientia est, quæ non facta nec creata est nec genita vel pcedens De angelica ergo vita illud accipiendum est, de qua dicit scriptura, quando facta est, scilicet primo omnium. Sed rursus alia scriptura dicit: In principio creauit Deus cælum & terram,

Eccles. i. a.

Genes. i. a.

T 5 Et in